

D. D.

# THESES PHILOSOPHICÆ,

QUAS

CONSENSU AMPLISS. SENAT. PHILOSOPH.  
IN REGIA ACAD. ABOËNS.

P R Æ S I D E

*Maxime Reverendo atque Celeberrimo VIRO,*

**D**N. **D**OCT. **C**AROLO  
**M**ESTERTON,

Log. & Metaph. PROFESS. Reg. & Ordin.

P R O G R A D U,

*Publico examini modeſte ſubmittit*


**ZACHARIAS KÖRSNER,**

DALEKARLUS.

In Audit. Majori, Die XXIII. Junii MDCCLVII.

H. A. M. S.

ABOË, Impreſſit Direct. & Typogr. Reg. Magn. Duc.  
Finland, JACOB MERCKELL.



## THESIS I.



Arga utut sit eorum messis, qui ore non tantum & animo, sed calamo etiam scriptoque contendunt, Matrimonia clandestina, Gallis *Mariages de conscience* dicta, civitati proficua esse, nec Christianismo adversa; tantum tamen abest, ut hoc doctrinæ caput cordatorum mereatur suffragia, ut variis iisdemque spurcissimis vitiis viam portamque pandat latissimam.

## THES. II.

**E**X Jure Naturæ ne, an Civili, moralitas testamentorum sit arcessenda, jam diu licet inter se decertaverint non minuta & obscura, sed maxima eruditorum nomina; potissimam tamen hujus dissidii partem in  
meram

meram abire Logomachiam, res certior est, quam ut ulli sit dubio locus.

THES. III.

**J**us vitæ & necis absolutum, uti cives in se non habent, ita dum illud in principem transferunt, nimis ineptam produnt liberalitatem.

THES. IV.

**J**uramenta, quæ in casu religionis præstari solent, conscientiis neutrquam jugum imponere, in confesso quidem est, & quavis exceptione certius manet; at eadem propterea plane inepta esse, & hypocrisin potius, quam publicam promovere utilitatem, id vero quantumvis oggantiant multi, vix ac ne vix quidem probari potest.

THES. V.

**F**alluntur, qui cum Christ. Thomasio aliisque earundem partium idem volvunt saxum, ut in mente emendanda primas voluntati deferendas esse obtineant; rectius vero judicant, qui hujus emendationem sine prævia intellectus medicina ne cogitari posse statuunt. Neque tamen, ut quisque profundissima morum cognitione imbutus est; ita

virtuti studet maxime; id licet fieri posset, immo & deberet.

THES. VI.

**I**N celebri controversia de moralitate patris Madritani, quod cum Carolo V:to iniit captivus Gallorum rex, Franciscus I:mus, si noster calculus dignus est, qui numeretur; illud obtentu timoris, Francisco injecti, haud quaquam rescindendum fuisse, eo confidentius asserimus, quo certius constat, metum, quem afflictior belli fortuna plerumque sibi comitem adjungit, aestimatione Politica, pro justo esse reputandum.

THES. VII.

**A**D omnem imputationem requiritur, ut actio sit suscepta praeluente intellectu ac discernente voluntate: unde pronò fluit alveo, quod actio quam quis patrare sive physice sive moraliter cogatur, ipsi, ob defectum libertatis ac proinde etiam voluntatis, imputari nequeat. Quamobrem si princeps quis civi, qui atrocissimum quoddam facinus commisit, in exquisitius supplicium injungeret, ut sibi ipsi vitam adimeret

meret ; hic crudeli ac inhumano principis sui mandato, sine ullo *αυτοχειρίας* crimine, satisfacere potest.

THES. VIII.

**Q**Uamvis homines in statu naturali constituti ab aliorum coactione sint immunes, adeoque in summa vivant libertate; hinc tamen inferre non licet, statum naturalem esse statum licentiæ, in quo omne, quod libet, liceret. Libertas enim veri nominis immane quantum differt ab effrena licentia. *Illæ* est omnium bonorum civilium optima; *hæc* autem est causa & fomes interitus florentissimarum rerumpublicarum.

THES. IX.

**S**Ponsalia, quæ in tenera admodum ætate ineuntur, non possunt valida cenferi, nisi quatenus contrahentes, cum ad maturiores annos pervenerint, in eadem persistent sententia. Quod si parentes consenserint, omni nisu in id incumbunt, ut filius vel filia pactum initum servet. Nimis autem duri sunt parentes, qui liberos modeste reluctantes ad rem tanti momenti proterve cogunt.

THES. X.

THES. X.

**I**nanem omnino sumunt operam, quotquot ex Jure Naturæ solide demonstrare nituntur, arctam sanguinis conjunctionem esse conjugio inimicam, adeoque etiam in illo illicitam. Quicquid enim hi moliantur, reclamatur tamen multarum gentium consuetudo. Nec multum ponderis inest illorum rationibus, qui existimant pudorem naturalem vel solum consideratum vel cum reverentia conjunctum procreationi sobolis obesse, cui fundamento splendida demonstrationum ædificia superstruxerunt multi recentiorum Moralistarum. Nos itaque jus Divinum positivum cum viris maximi nominis hic agnoscimus.

THES. XI.

**A**D polygamiam debellandam, speciosa equidem, sed minus robusta censemus illa argumenta, quæ ex libris, discordiis ac molestiis, in tali statu necessario oriundis, sumuntur. Validius autem nullum hactenus invenimus, quam quod suppeditant Tabulæ, in quibus numerus natorum & denatorum habetur. Etenim non sine blanda

blanda quadam voluptate animadvertimus, æqualem quam proxime esse marium & foeminarum copiam; manifesto indicio, Deum intendisse unius maris cum una foemina conjugium.

THES. XII.

**C**arthagine olim statutum fuisse deprehendimus, quod ad splendida civitatis munera non alii admitterentur, quam qui opibus erant instructi; idque ex his rationibus, partim, quod opulentiores meliorem recipere potuerunt educationem, partim etiam, quod fideles magis essent civitati, quippe aureis vinculis cum ipsa connexi. Quamvis vero hæc pingve & obesum ingenium minime redoleant; iniquum tamen esse judicamus, virtutibus & meritis inclytos ob defectum bonorum a reipublicæ administratione arcere, ac ad infimam plebem amandare.

THES. XIII.

**Q**uamdiu artes Oeconomicae a nonnullis tantum populis exercebantur, cæteris falcem & colum alto supercilio fastidientibus; his egenis, illorum sortes non potuerunt

runt non esse quam lautissimæ. Postquam autem singula regna scientiis Oeconomicis sedulam operam navare cœperunt, opes magis æquabiliter inter gentes distribuuntur; quod ipsum ad imperiorum æquilibrium haud parum conducit.

THES. XIV.

**Q**uamvis commercia, quæ cum Chinesibus hodie exercentur, Europæ noxia vel saltem minus utilia jure meritoque censeantur; si quis tamen eadem Patriæ carissimæ perniciose vel parum lucrose contendat, næ ille vel præcipitanter vel minus rigide suos subducit calculos.

THES. XV.

**S**icut omni honorum genere digni sunt, qui scientias, quo demum cunque modo, promovent; ita qui paradoxis tantum delectantur opinionibus tantas non merentur laudes, quantas ipsi sibi pollicentur. Tantum itaque abest, ut vitiorum ac immanissimorum Tyrannorum strenui defensores digni sint, quos admirentur, ut potius ob impudentiam omnium bonorum & cordatorum irrisionem & detestationem contrahant.

SOLI DEO GLORIA !!!